

四庫全書

史部

欽定四庫全書

隆平集卷二

宋 曾鞏 撰

行幸

建隆元年昭義軍節度使李筠叛五月駕幸軍前六月
筠自焚澤潞平七月車駕還京時筠子守節據上黨聞
筠死亦降是年九月李重進叛十月車駕幸軍前十一
月重進自焚十二月車駕還京重進太原人周祖之甥

在周為平盧軍節度使判揚州至是以揚州叛開寶二年二月親征太原五月太常博士李光贊上言遂詔班師六月車駕還京

太平興國四年二月親征太原先詢曹彬曰周世宗太祖親征何以不能克對曰世宗以史超敗於石嶺關人情驚擾故師還太祖屯兵於甘草地軍人多腹疾遂中止今兵甲精銳翦孤壘猶拉朽爾上於是決計四月至太原五月墮其城劉繼元始降詔釋之六月駕臨范陽七月還京

咸平二年契丹入寇十二月駕幸河北三年正月王師告捷車駕還京

景德元年契丹入寇十一月駕幸軍前次衛南縣大將李繼隆奏今月二十四日敗敵衆於澶州城北其將順國王王撻覽為王師強弩所斃其衆遂遁時北主及其母同入寇因王繼忠遂乞修好二十六日駕至澶州北使韓杞見於行在十二月車駕還京

景德四年正月駕幸永安朝拜諸陵二月幸河南三月

車駕還京

大中祥符元年十月駕幸泰山行封禪禮辛亥享昊天上帝以太祖太宗配三獻畢封金玉櫃壬子禪祭皇地祇於社首山十一月幸曲阜縣謁文宣王廟及孔陵林木侵道遂降輿乘馬至宣尼墓設奠再拜又加謚齊太公曰昭烈武成王建廟青州追封周公曰文憲王建廟曲阜縣是月車駕還京往還四十七日未嘗遇雨雪
大中祥符四年車駕幸河中府親祠汾陰二月丁巳至

寶鼎縣奉祇宮辛酉上服袞冕祀后土祇改奉祇宮曰
太寧宮以寶鼎縣為慶成軍隸河中府又改慶成軍寶
鼎縣曰榮河縣三月幸西京至永安縣謁諸陵四月車
駕還京

大中祥符七年正月駕幸亳州太清宮奉加號冊寶丙
午至真源縣奉元宮上齋於迎禧殿戊申上服通天冠
絳紗袍進大次己酉行朝謁禮改真源縣曰衛真升應
天府為南京以新修聖祖殿為鴻慶宮二月車駕還京

取士

舊制臺閣近臣每年得以抱文藝者公薦於貢闈知舉官去取不能無所徇建隆四年詔禁止之

開寶二年詔西川山南荆湖等路所薦舉人竝給往還券

開寶六年初殿試進士自是為定制故事禮部放榜勅下之日醵錢為同喜飲於曲江近世多於名園佛宇太平興國元年呂蒙正等及第始官為供帳仍賜御詩至

道二年張洎以儒行篇刻板印賜近臣并新及第人
隋大業中始設進士科至唐為盛每歲不過三十人咸
亨上元中增至八十人既而復故開成間連歲放四十
人俄仍舊制太宗即位旬日之間放進士三十三人經
科百九十六人竝賜綠袍木簡未命官而釋褐新制也
咸平三年放進士四百一十四人并九經而下共一千
五百四十六人景德初進士遂至七百八十三人自是
取人日益盛矣景德以前進士及第導從過多景德二

年貢院乞令狀元用一節呵導餘止雙控馬首遇常叅
官飲馬側立詔從之

大中祥符八年蔡齊殿試第一人及第詔令金吾司差
七人許出節前引遂為定制

大中祥符五年殿試題始賜印及草紙

天聖中初置武舉至皇祐罷治平元年復置

制舉自乾德二年至治平應詔人無定數

招隱逸

道士澄隱字棲真常山人兼通儒釋典太祖征太原還幸其所居問曰師年八十容貌甚少必能養生宜以教朕對曰臣養生不過精思鍊氣爾帝王養生則異於是老子曰我無為而民自化我無欲而民自正無為無欲凝神太和軒帝陶唐享國永年得此道也上悅厚賜之王昭素酸棗人篤學有至行鄉人有訟不之官府而詣昭素為之辨折無不敬服開寶二年召至命講易年踰八十矣居月餘求歸特授國子博士自李穆而下有聞

於時者皆其門人也

卷二

陳搏居華山靈臺觀太平興國間兩至京師賜號希夷先生上令引至中書宰相宋琪問修養之道搏曰不知也今上言皆究治亂之大旨誠有道仁聖之主正君臣協心治天下之時勤行修煉無大於此時年近百歲居華山四十年端拱二年豫言其卒以表來上云大數有終聖時難戀命弟子賈德昇鑿石室於張超谷室成而逝搏能逆知人意有華陽隱士李奇自言開元中郎官

年數百歲顏如嬰兒行數百里頃刻而至常與搏酬唱

人以為神仙

自言二字妙甚

布衣潘閻常賣藥京師好結交上左右有言其善吟詩者至道初召對賜進士出身國子四門助教未幾追還

所賜

潘君行徑正是後來隱士宗派

真宗西祀有言陝州魏野河中李漬皆隱居求志上特召之皆稱疾不起天禧四年二人者繼逝各追贈著作郎仍賜其家粟帛

卻貢獻

淳化中夏州趙保忠獻鵲謂之海東青上曰朕久罷畋遊無所用也還以賜之

景德中文州尚牧獻白御馬一上曰進貢無名命亟還之

大中祥符間蒲端國獻崑崙奴上曰異俗離去鄉土可憫也命還之

天聖元年乾元節知寧州職方員外郎楊及以繡佛來

獻上謂近臣曰及佞人也民安政舉乃守臣之職安用此為命亟還之

仁宗諭輔臣曰川路舊貢織繡佛像者悉罷之宰相王曾曰臣恭聞德音所謂不作無益害有益也

溫鼎知廣州歲貢柑橘及蜜煎果實又致其餘於大臣謂之貢餘宰相王曾請加禁止上曰貢且勞矣況其餘乎命亟罷之

英宗即位于闕國遣使貢獨峰駝上曰異物非朕所貴

命還之右贊善大夫陳世修獻白馬一英宗賜帛五十段仍還其馬

慎名器

教坊使衛得仁以老乞外官引唐莊宗朝故事冀領郡太祖謂宰相曰伶人為刺史亂世事焉可效宰臣欲以爲上州長史司馬上曰此亦不當輕授止令與太常寺大樂令

崇儀使尹繼倫端拱二年敗契丹於唐河殺其皮室相

公射北將裕悅中臂其衆大潰相蹂踐而死者不可勝計時李繼隆護糧敵騎行將及因是獲免策功止加洛苑使長州刺史

唐制郊祀行慶止進勲階五代肆赦例遷官秩宋初因之未暇革去右司諫孫何起居郎耿望言其非制真宗嘉納遂定三年磨勘進秩之法郊禮止加散官勲爵

景德初李繼隆石堡吉敗北兵於澶淵斃其驍將達蘭飲至行賞繼隆而下止加勲階食邑

真宗嘗語輔臣欲省費用減吏員宰臣向敏中曰太祖太宗朝閣門祇候止三五員今踰數百除授未已願慎擇焉上曰相承為例當漸省之

魯國長公主以醫官使趙自化醫術有效請授尚食使兼醫官真宗曰元份嘗有請已諭其不可今乃復爾命樞密院召自化戒之

樞密副使張士遜求以子友直為館閣校勘仁宗曰館閣所以待英俊可以恩丐乎上命友直於館閣讀書遂

詔校勘無得增員仁宗謂輔臣曰圖書之府所以待賢
俊而備討論也比來公卿之族多以恩澤為請殆非請
延之意也其詔自今輔臣兩省侍從不得陳乞子弟親
戚為館閣官其進士及第三人以上亦考所進文召試
入等始得除

駙馬都尉柴宗慶求為使相仁宗問輔臣曰如何宰相
王曾對曰先朝石保吉魏咸信皆歷行陣有勞晚方除
使相且將相之任繫國重輕豈容私請上曰朝廷名分

何可妄求卿等可召宗慶諭之

杜衍為宰相凡內降與恩澤者少積至十數於上前面
納仁宗語諫官歐陽修曰外人知杜衍封還內降邪朕
居禁中有求恩澤者每以衍不可告之而止者多於所

封還也

足見仁宗任相之專然人主
恩威由已何必諉之臣下

章懿太后弟李用和長子璋既為閣門副使次子珣又
求任通事舍人仁宗諭之曰朝廷爵賞所與天下共也
戚里之家兄弟遷補皆如已欲使朕將何以待諸勲舊

乎

章惠皇后弟汝州兵馬總管楊景宗乞為郡仁宗以其累犯法復起曰朕於景宗何愛一郡然貪虐之性老而益甚使為郡則一方受弊矣

張堯佐為三司使言者慮其遂大用也力爭攻之上諭輔臣曰自今后妃之家毋得用為執政著以為令

翰林侍讀學士張瓌判吏部流內銓其子鄆城主簿庖民鎖試未嘗考功補考而又考限未至同判銓翰林

侍讀學士范鎮令用例以隨身歷為證而不取審狀書
考移令瓌雖礙親不預其事然知其故而弗止英宗以
問輔臣皆言瓌可勿劾上曰瓌私其子可不顧銓法耶
命特奪一官降知濠州鎮亦坐贖金

英宗皇帝患吏員猥多乃詔待制以上六周年中書取
旨轉官至諫議大夫止京朝官竝四周年與磨勘至前
行郎中止少卿監以七十員為額於前行郎中先補官
者補其闕酬賞及特恩不在此限

革弊

五代以來天下郵傳皆役平民建隆二年始命以軍人代之五代時使臣往來及輦運官司皆役僑居人戶謂之遞夫建隆三年詔禁止之

五代承唐季亂離之後國用窘蹙故冬服止及將相翰林學士諸軍大校建隆三年初賜文武常叅官太平興國二年十月朔詔賜百官諸軍校百夫長以上及遣使齎賜藩鎮州郡冬服自是以為常

五代以來領節旄者多武夫悍卒所至必補親吏代判緣是為姦民被其患乾德三年詔諸州長吏或藉人代判者於賓幕內擇公幹官不得復任元從人

五代以來衣服旗幟止以綵績開寶四年郊禋初易以繡衣鹵簿

內臣李承進逮事唐莊宗太祖嘗問莊宗時事對曰莊宗好畋獵每次近郊衛士必控馬首曰兒郎輩寒冷望陛下與救接莊宗隨所欲給之如此者非一晚年蕭牆

之禍由賞賚無節威令不行也太祖歎曰二十年夾河
戰爭不能以軍法約束此輩誠兒戲

開寶四年郊裡優賞三班殿直過登聞鼓援御馬直例
上遣中使謂曰朕之所與便為恩澤豈有例邪盡戮過
鼓者四十人餘配諸州驍健自都指揮使尹進而下竝
杖而降籍初平蜀日選孟昶親兵一百二十人隸殿前
司謂之三班殿直至是遂廢

堂後官五代以來擇用諸司人吏倚法徇私莫可檢察

開寶末始詔流內銓擇選人令錄與升朝官判司簿尉
與上縣令俾充是選其後止以諸科出身人充漢乾祐以
來天下令錄判司簿尉竝據所請俸折支物每一千分
兩戶俾月輸緡錢除二稅外與免徭役謂之俸戶開寶
九年太祖即位始詔罷之

親從指揮使馬翰稱京城有賊願自緝捕真宗謂輔臣
曰朕尹京日間翰以緝捕為名頗為民害事未彰露姑
置之自今捕盜止委開封府可也

節儉

太祖嘗閱孟昶宮中物有寶裝溺器遽命毀之曰以此奉身不亡何待

太宗未嘗御新衣樞密使王顯等侍數視上袴上怪而問之對曰陛下袴紋縷皆倒上笑曰澣濯頻故爾朕念機杼之勞且欲化天下以儉也

油衣庫言帟幕損弊者數萬請毀棄之太宗命煮染雜色成旗幟數千它日有司又以營繕棄材請給甄官薪

上命擇其可用者成什物數千分賜宰相李昉等咸相顧而歎曰富有天下而猶器微物於已棄之餘則其大者可知矣

御馬舊以織成帕覆鞍勒至道二年詔以黃絹代之輔臣嘗因奏事至福寧殿之西閣見仁宗所御幄帶茵衾皆質素暗弊自是大臣之家無復僭侈

宰執

唐以侍中中書令為真宰相又言故事左右僕射各一

人侍中中書令各二人為正宰相武德初李勣任左僕射以南省務疏於北省始命帶中書門下三品竝平章事者為真宰相其宰相僕射不帶同三品者但釐尚書省務而已貞觀至德間置左右相又有知政事叅議朝政叅預朝政叅知政事叅知機務皆宰相之稱也高宗謂叅知政事崔知溫曰郭待舉岑長倩郭正一魏元同歷任尚皆淺且今預聞政事未可與卿等同名待舉等竝與中書門下同受進止平章事則是平章事亦或居

叅知政事之下其後方鎮遂有以恩授平章事者然而
宰相謂之平章事蓋始於唐矣乾德二年太祖既以趙
普為相且欲用薛居正呂餘慶故詢翰林學士陶穀曰
下丞相一等何官穀對曰唐有叅知機務叅知政事翌
日竝命居正餘慶叅知政事不宣制不押班不知印不
升政事堂凡上殿庭別設塼位居宰相後敕尾列銜仍
下押字太宗始命與宰相更互知印時議者謂穀之對
為失而下丞相一等漢御史大夫是也雖然唐叅知政

事固宰相之任曾何以為百王不易之制殆稱謂適同爾官制因時輕重蓋可見矣僕射侍中皆秦官僕役於射謂之僕射緣所領之事而立名者爾侍中則丞相之史也唐之以為宰相名同而實異甚矣樞密使唐特以宦者處之朱梁改曰崇政院始命敬翔為使後唐同光復其舊稱命宰相兼其任石晉天福中廢樞密而置宣徽南北院至開通初復置樞密院而宣徽之名因以不廢宋興以平章事為宰相以叅知政事樞密使副知院

同知院簽書院事竝為執政官宣徽使居執政官之次
或以加前執政或以待勲舊焉

宰相

竝以先後為次出而復任者互存

范質 王溥 魏仁浦 趙普

薛居正 沈義倫 盧多遜

右自建隆元年正月至開寶九年十月

薛居正

平子

沈義倫

盧多遜

趙普

宗琪

李昉

趙普

呂蒙正

聖功

李昉

張齊賢

呂蒙正

呂端

右自太平興國元年十月至至道三年三月

呂端

張齊賢

李沆

太初

呂蒙正

向敏中

寇準

平仲

畢士安

王旦

子明

向敏中

王欽若

寇準

李迪

復吉

丁謂

馮拯

右自至道三年三月至乾興元年二月

丁謂

馮拯

王曾

孝先

王欽若

定國

張知白

用晦

張士遜

呂夷簡

張士遜

李迪

王曾

王隨

正子

陳堯佐

張士遜

章得象

杜衍

賈昌朝

陳執中

文彥博

宋庠

公序

龐籍

陳執中

梁適

富弼

劉沆

之冲

韓琦

曾公亮

右自乾興元年二月至嘉祐八年三月

韓琦

曾公亮

右自嘉祐八年三月至治平四年正月

叅知政事

薛居正

呂餘慶

劉熙古

盧多遜

右自乾德二年四月至開寶九年十月

竇偁

郭贇

宋琪

李昉

李穆

呂蒙正

李至

辛仲甫

王沔

陳恕

張齊賢

賈黃中

李沆

呂端

蘇易簡

趙昌言

寇準

向敏中

張洎

李昌齡

溫仲舒

王化基

右自太平興國元年十月至至道三年三月

向敏中

李昌齡

溫仲舒

王化基

李至

李沆

向敏中

王旦

王欽若

畢士安

馮拯

趙安仁

丁謂

陳彭年

王曾

張知白

李迪

丁謂

任中正

王曾

右自至道三年三月至乾興元年二月

任中正

王曾

呂夷簡

魯宗道

夏竦

薛奎

王晦叔

晏殊

王隋

蔡齊

盛度

韓億

程琳

石中立

王駿

李若谷

宋綬

鼂宗慤

王舉正

賈昌朝

范仲淹

陳執中

宗庠

吳育

丁度

文彥博

明鎬

高若訥

劉沆 梁適 程戡 王堯臣

曾公亮 張昇 孫抃 歐陽修

趙槩

右自乾興元年二月至嘉祐八年三月

歐陽修 趙槩

右自嘉祐八年三月至治平四年正月

樞密

吳庭祚

使

趙普

使

李處耘

宣兼副

李崇矩

使

王仁瞻

副使

楚昭輔

副使

曹

彬使

右自建隆元年正月至開寶九年十月

曹

彬使加平章

楚昭輔使

石熙載

簽書并副使又加使

柴禹錫

宣兼檢校

王

顯

宣兼副使

張齊賢

簽

王

沔

簽升副

張

宏

副

趙昌言

副

楊守一

宣兼同知

張齊賢

副

張士遜

宣兼簽

溫仲舒

副升使

寇準

副改知

柴禹錫

宣兼副

劉昌言

同知

趙

鎔

宣兼知

向敏中

同知

錢若水

同知

李惟清

右自太平興國元年十月至至道三年三月

曹

彬

使平章

趙

銘

知

王

顯

使

向敏中

副

夏侯嶠

副

錢若水

知同

李惟清

知同

楊

礪副

宗

湜

副

周

瑩

宣兼知

王

旦

知同

王繼英

宣兼知使

馮

拯

同知改養

陳堯叟

同知改養加平章升使

丁

謂

使

王欽若

同知加平章升使

韓崇訓

簽

馬知節

宣兼簽改副

寇

準

使加平章

王嗣宗

副

曹利用

副改知升使加
平章又加侍中

張

旻宣兼
副

任中正

平章
副

馬知節

知

周

起

副

馮

拯使加
平章

曹

瑋

簽

錢惟演

副

張士遜

副

右自至道三年三月至乾興元年二月

曹利用

使僕射
侍中

張士遜

副

張旻

使加僕射侍中天
聖七年改名耆

錢惟演

使

張知白

副

晏殊

副

夏

竦

副

范

雍

副

姜遵

副

張堯佐

副

夏

竦

使

趙

鎮

副

晏

殊

副

楊崇勲

宣兼副
升使

王晦叔

使

王德用

簽改同知升
知又加宣

李

詔

副改

王

曾

使同
平章

王隨

知

韓

億

知同

蔡

齊

副

章得象

知同

盛度

知

王

駿

知同

王博文

知同

陳執中

同知
升知

張觀

知同

夏

守

知同

王

駿

知

晏殊

知升使
加平章

宋

綬

知

王貽永

同知改副升
使加平章

杜

衍

同知改
副升使

鄭戢

副

任中師

副

任

布

副

韓

琦

范仲淹

副使

富

弼

副使

賈昌朝

使

吳育

副使

龐

籍

副使升

丁

度

副使

夏

竦

使

高若訥

副使升

宗

庠

使

梁

適

副使

王堯臣

副使

狄

青

副使升

孫

沔

副使

田

況

副使

王德用

使同平章

程

戡

副使

韓

琦

使

賈昌朝

使

宗

庠

使

田

況

使

張

昇

副使

孫

朴

副使

曾公亮

使

歐陽修

副使

趙

槩

副使

陳升之

副使

包拯

副使

胡

宿

副使

吳

奎

副使

王

疇

副使

右自乾興元年二月至嘉祐八年三月

張昇

使

胡宿

副

富弼

使

吳奎

副

王疇

陳升之

副

文彥博

使

呂公弼

副

郭逵

同簽

右自嘉祐八年三月至治平四年正月

宣徽使

咎居潤

南

張美

北

李處耘

北改南
兼樞

李崇矩

北兼
樞

曹彬

南

潘美

北改
南

右自建隆元年正月至開寶九年十月

潘美

南

王仁贍

北

柴禹錫

校北檢

王

顯

南兼

弭德超

北兼

郭守文

北

楊守一

北兼

張士遜

北兼

柴禹錫

北兼

趙

銘

北兼

右自太平興國元年十月至至道三年三月

趙

鎔

南兼

周

瑩

南兼

王繼英

北兼

雷有終

北

馬知節

簽北

張

旻

南兼

曹

瑋

北兼

右自至道三年三月至乾興元年二月

楊崇勳

南兼樞

王德用

知樞南

夏守斌

南

李用

知南平章

夏

竦

南

程

琳

北

李昭亮

北

鄭

戡

北

張堯佐

南

狄

青

南

吳

育

北

富

弼

南

曹

伯

南

程

戡

右自乾興

元年至嘉祐八年三月其後不除

隆平集卷二

欽定四庫全書

史部
隆平集卷三
四

詳校官編修

臣李潢

編修

臣裴謙覆勘

總校官檢討

臣何思鈞

校對官學正

臣翁樹棠

謄錄監生

臣朱上林

欽定四庫全書

隆平集卷三

宋 曾鞏 撰

祠祭

唐臘用辰宋興臘用戌貞觀以前寅蜡百神郊祭社宮
辰享宗廟開元以後三祭同用臘辰建隆之制祭百神
社稷宗廟同用臘戌

祠部令應先代帝王三年一享並用太牢建隆四年詔來年

仲春以羊豕代太牢致饗帝高辛廟在宋州堯在晉州臨汾
以稷契配舜在河中府以臯繇配禹在陝州夏縣以伯益配
湯在鄆師以伊尹配文王在鄴舊配以太公望唐封太公望
武成王以廟食今以師鬻熊配武王在鎬以周公配漢高祖
在長陵以蕭何配光武在南陽以鄧禹吳漢賈復耿弇配唐
太宗在醴泉以長生無忌房喬杜如晦魏徵李靖配乾德四
年詔先代帝王各置守陵戶太皞塋長沙黃帝塋長沙高陽
葬臨河高辛葬濮陽堯葬城陽穀林舜葬零陵九疑女媧葬

趙城禹墓會稽湯墓寶鼎文王武王並塋咸陽漢高祖葬
長安世祖葬洛陽唐高祖葬三原太宗葬醴泉九陂山
並五戶每歲春秋長吏以羊代牛奉祀商中宗至隋文
帝十陵並三戶歲一享秦始皇至石晉高祖十五陵並
二戶三歲一享周桓王至後唐清泰帝三十八陵止禁
樵採

淳化三年祕書監李至上言國初舉藏冰之法於司寒之
祭常在四月行之按豳風七月四之日獻羔祭韭蓋周

以十一月為正而四月者今之二月也春秋傳曰日在北陸而藏冰謂夏十二月日在虛危也獻羔祭韭謂二月春分始開冰室也火出而畢賦火星昏見謂三月四月中也又月令仲春天子獻羔開冰先薦寢廟詳開冰之祭當在春秋而行之四月乃有司之失也上然之命正其理

集賢校理胡宿言火正閼伯之祠在南京乃國朝受命之地自祖宗以來未顧於祠官臣切為朝廷惜之事下

禮官言闕伯為堯火正實居商丘主祀大火能宿其官
後世因之祀為貴神配火侑食國家有天下之號實本
於宋五運之次又盛火德謂其因興王之地商丘之舊
作為壇兆秩祭大火配以闕伯以辰戌出納之月詔留
司長吏奉祭事上是其議而行之

皇祐間上謂大臣曰前世禮神有祭玉燔玉今於祀典
無乃闕乎文彥博對曰唐太常卿王起以當時祀事止
有燔玉因請下有司求良玉始造璧琮等九器以祀神

已事則藏之而燔玉止用珉蓋唐以來禮神之玉已不
備上曰朕奉事天地祖宗豈於寶玉有所愛乎其令有
司備制製之時沙州適貢玉乃擇其良者製為璧琮等
九器其黝璜尤粹溫祭玉之備蓋始於此矣

原本第三
卷欠一葉

自帝三十字起至玉有字止又第九卷弭德超傳闕
尾楊守一張遜二傳全闕曹彬傳闕首段而謬附以
王荆公事舛錯失倫初刻注為闕文不免遺憾茲已
丑季春忽得六安州楊君希洛千里貽緘從董氏萬
卷堂善本錄示遂補刻以成
全書隔地同心誠快事也

有神降於終南山道士劉守真以為天之宗神號黑殺

將軍守真每齋戒祈請必至至則室中風肅然聲如嬰兒
獨守真能晚開寶九年太祖不豫驛召守真令問焉曰
上天宮闕成玉鎖開矣晉王有人心言訖不復降太平
興國六年封神為翊聖將軍

咸平四年封劍州梓潼神順濟王為英顯王王張亞子
也生越嵩仕晉戰歿郡國志云亞子常至長安見姚萇
謂之曰別後九年君入蜀梓潼七曲山頭有叢林僕所
居也叩樹當有應者及苻堅命萇入蜀因此至七曲山

訪得其處舉策叩樹有閤人出曰此神君仙室也萇曰
神君可得見乎入白有頃數吏前導見堂宇壯麗侍御
擁神君出乃張君也叙舊設席張樂酒酣萇辭神敕左
右授以一杖曰有兵革事所指如意萇得之戰無不克
唐明皇入蜀神迎於萬里橋僖宗播遷亦有冥助故封
爵順濟王咸平三年蜀寇王均叛有登城指賊大呼曰
梓潼神遣我來九月二十日城陷矣賊射之不見及期
果驗帥臣以聞故改是封焉

劉云梓潼神來歷如此其說已荒唐況又增以文昌化書等乎即此所紀以武事著聞並非文事也續文獻考載倪文毅上正祀典疏略云按國志英顯王廟在劍州即梓潼神姓張諱亞子其先越嵩人因報母讐徙居劍州之七曲山仕晉戰歿人為立廟唐玄宗西狩追封左丞僖宗入蜀封順濟王宋咸平中改封英顯又按文昌六星在北斗魁前為天之六府道家謂上帝命梓潼神掌文昌府事及人間祿籍元加號為輔元開化文昌司祿宏仁帝君以二月初三日為誕生之辰至於文昌之星與梓潼無干今乃合而為一誠出傳會所有前件祭祀乞罷免

刑罰

諸州大辟舊皆藩臣專決枉濫者衆時務姑息不復究

問建隆三年詔自今郡國斷大辟並錄案朱書格律及禁勘月日官典名銜以聞委刑部覆視仁宗哀矜庶獄官失入死罪者終身不得改官吏部嘗引對選人韓中正以失入人罪報罷後刑部引為詳斷官上見其奏謂王欽若曰此豈常引對者耶欽若對曰然上曰既常用法不當乃可以為法官乎詔劾引用者罪

沈德妃之弟惟恭樂安郡主之壻張承衍同管勾會靈觀觀燔坐黜惟恭蔡州承衍汝州並管庫妃主交為言

乞畱京師仁宗曰已行之命為貴戚所回則法徒設矣
命趣行

燕樂

酺飲起自秦法三人會飲則罰金故因事賜酺吏民會
飲過則禁之太宗嘗謂輔臣曰朕讀唐史書每見睿宗
以後賜酺或連夜七日九日亦或彌月無乃太甚乎娛
樂不可過三日為得宜矣玄宗令三百里內刺史縣令
各率音樂集都下能無勞擾耶雍熙九年冬南郊禮畢

詔賜大酺三日丙申自丹鳳樓至朱雀門張樂遷四市
物貨會五方士女旱車水船往來御道為魚龍曼延之
戲又集開封府縣及諸軍樂人列御樓前音樂間發觀
者溢路上御樓燕羣臣賜畿甸耆老酒食列坐於下大
中祥符以後屢講是制

上元張燈舊止三夜乾德五年太祖謂宰臣曰今朝廷
無事稼穡豐稔當縱士庶俾之行樂詔開封府更增兩
夜遂為定制

故事學士赴任有敕設獼猴之戲其禮久闕張洎蘇易簡除翰林學士特命設教坊雜伎樞密直學士知制誥以上咸與其集太宗因謂侍臣曰學士清切貴重朕常恨不得為之

聖祖降後上謂王旦等曰先天降聖節欲設齋醮止刑罰屠宰其日聽士庶以延壽帶續命縷保生酒更相贈遺因示帶縷一奩皆金銀珠翠繒綵為之旦曰陛下製此非止崇奉蓋欲均福衆庶臣等不勝大慶

湯敦實曰此數語便是逢迎
豈待受美珠而後不敢諫耶

愛民

方藥附

嶺南旣平太祖因覽桂陽監歲入白金數謂宰相曰山
澤之利雖多頗聞採納不易自今減舊額三分之一以
寬之

太平興國二年有司奏江南諸州榷茶於汭江州軍置
八務民有匿而不聞許鄰里告給賞詔從之自唐建中
四年趙贊判度支始稅竹木茶漆其後戶部侍郎張滂

遂請移山茶根於茶園舊茶悉焚棄天下怨之九年王
涯誅令狐楚代涯請入其租於戶部人莫不悅乾德後
雖禁民私賣而茶之利盡入縣官民不以為擾

太宗覽福建版籍謂宰相曰陳洪進以漳泉二州贍軍
數萬無名科歛民所不堪比朝廷悉已蠲削煩苛稅名
吾民當小康矣

端拱二年河北屯軍乏糧度支使李惟清發河南十七
州民運送上曰今已春深農事正急豈宜更興此役惟

清固請乃遣左正言馮拯乘傳與轉運使規度止請發
貝冀州餘糧輸邊它俟農隙上因召惟清語之曰掌邦
計者當以民為本軍食雖少民力不任計司須務變通
自今宜以利民為先無致厚斂且財貨所以濟用度取
不以道豈朕愛民之意耶

淳化二年許商人納粟麥分江淮官茶以給其直謂之
折博倉商人甚便之國初有折中倉或言其弊而罷之
及端拱初以折中倉罷歲失國用百萬之入遂欲復置

以歲歉而止至是始復而更其名曰折博公私以為便
至道元年八月知開封縣裴麗正言畿縣見欠夏稅蠶
鹽三司令折納大麥今已過時上曰三司害政甚矣八
月課民輸大麥價益踴貴欠稅皆下戶是重困小民也
即日下詔聽從便雜輸粟豆以官鹽貨於民蠶事既畢
即以絲絹償官謂之蠶鹽又有食鹽即隨租賦納其直
景德中河北轉運使李士衡奏方春民不足可給以錢
使至夏輸絹民甚便之詔推其法於天下謂之和預買

景德中有司言京師民僦官舍居人獲利多而輸官少
乞增所輸許奪賃若人重遷必自增其數上曰豈不太
刻耶先帝屢常止絕其申戒之

大中祥符五年三司請民販茶違法許家人告上曰是
教犯義非朝廷所宜言不許

上封者言川陝官鹽價賤民間倍之請增其直免失厚
利上曰官直賤民間尚貴上更增直下益闕矣不許

陝西轉運使張象中言安邑縣兩池鹽見貯三億餘萬

斤尚虞遺利請申條約真宗曰過求羨餘當慮有時而闕不許

蜀人以鐵錢重私為文券謂之交子以便貿易既久而或不能償民訟不已天聖中知益州寇瑊請禁之上曰蜀民用交子久矣罷之可乎下使者議以為官置務則可以利民而止其欺上曰果利民其行之

仁宗即位以真宗時常遣使江浙蠲放逋欠因登極赦恩命知制誥張師德侍御史知雜事蔡齊詳定天下欠

負悉蠲除之其後命官放欠負蓋自此始

淄州東治舊以衙前主之治久廢州請均其課於諸縣
仁宗曰利出於治治既廢矣他縣力田之民何預而使
之輸耶命罷之

太平興國中編成方書賜諸道州郡謂之太平聖惠方
一百二十卷

仁宗謂輔臣曰近時方伎之學廢故世無良醫人多橫
天乃命太醫較定黃帝內經素問難經巢氏病源等模

以頌天下

銅人鍼灸圖經一節合次
於此以脫落今補於後

仁宗以福建奏獄多蠱毒害人者福建醫工林士元能
以藥下之詔錄其方又命太醫集諸方之善治蠱毒者
為慶厯善救方命參知政事丁度序之以頌天下言者
云雖有方書遠方或闕藥材不能自致詔許以官錢治
善救方諸藥以濟民

皇祐四年上以方書雖多或藥品之衆昧者用之寡要

貧者困於無資命太醫集諸家已試之方刪去浮冗而標脈證兼叙病源名之曰簡要濟衆方且令崇文院分作上中下三冊印頒諸色

樞密院韓琦言朝廷雖頒方書以救民疾而貧民力或不能及請令諸節鎮及益并慶渭四州歲賜錢二十萬餘州軍監十萬委長吏選官合藥以時給散上如琦奏至今行之

仁宗謂輔臣曰鍼砭之法世傳不同腧穴少差或害人

命其令太醫王惟一考明堂氣穴經絡之會鑄腧穴銅人式一置醫官院一置大相國寺惟一又纂集所聞糾正訛謬為銅人鍼灸圖經以進上命夏竦為之序而模以頒天下

典故

乾德三年宰相范質王溥魏仁浦同罷翌日制書以趙普為相無宰相書敕上召學士問故事陶穀曰自來輔相未嘗虛位唯太和中甘露事數日無宰相命僕射令

狐楚奉行制書今尚書亦南省官可以書敕竇儀曰穀所陳非承平之事不足為比今皇弟開封尹同平章事即宰相之任也上曰儀之言是即令晉王書敕

故事節度使不帶平章事者在大卿監下乾德五年始陞節度使班在龍墀內金吾上將軍之上太平興國二年詔常參官知節鎮者借紫餘緋罷日仍舊

淳化元年益王元傑授揚潤大都督府長史學士張洎言唐以揚益潞幽荆五郡為大都督府置長史司馬為上

佐其大都督非親王不授或親王遙領別令大臣領郡
除長史副大使節度事今益王正大都督之任復為長
史乃是自為上佐也呂蒙正以為襄王越王皆領長史
矣今吳王獨領大都督非便上曰業已錯誤俟別除授
並正之

淳化二年詔百官次對又御文德殿羣臣入閣復舊制
也來年五月羣臣入閣設黃麾杖新制也

三班使臣舊不免杖罰戶部尚書張齊賢編敕始請以

贖論

咸平六年詔河北東陝西轉運使副按邊經費勞於他路其月俸共給實錢至今行之

大中祥符六年陳世卿知廣州詔歲給添支錢七十萬公用錢五十萬遂著為令

真宗謂宰臣曰何承矩嘗請與藩臣封戶何如王旦對曰唐朝將帥富貴驕蹇往往陷於不道良由事勢强大朝廷姑息太過每移一帥未有帖然奉命者至於五代

餘風未殄太祖制之有術迄今藩臣有兼相印提禁旅
及久當邊任者詔旨亟召則夙夜奔命好談古者特思
慮未至耳上然之

王欽若言比見石普奏章用新州觀察使印上顧宰相
問其事王旦對曰普以河西節度使知許州此必許州
觀察之印耳欽若之言謬矣凡節鎮有節度使印隨本
司闕則州本吏用本州觀察使印又有州印文曰某州
之印畫則州錄事叅軍掌用暮則納長吏所節度使在

本鎮兵刑甲仗即節度判官掌書記推官連書用節度使印民田租賦事即觀察判官支使推官連書用觀察使印州司下符用本州印故命將必曰某軍節度使得專制其軍旅也曰某州觀察使得廉問其風俗也曰某州刺史得刺舉其州軍也

天聖中都官員外郎吳耀卿言景德中江淮漕米歲不過四百五十萬石其後增至六百五十萬故江淮之間穀常貴而民益貧請約咸平景德中數立為中制上詔

發運使歲減漕米五十萬石

仁宗謂輔臣曰日者三司請以轉運使漕事集否為昇黜之法意欲修舉其職非誘之為聚斂也邇聞貪冒之人僥倖恩賞肆為侵剋豈朝廷之意也轉運使考課法其亟除之

梁惟吉知懷安軍其弟惟遜已任屬官惟吉母老乞改任仁宗命有司自今如是者悉免遂為定制

河渠

至道元年上問汴河疏鑿之始張洎上言曰昔大禹導河自積石至於龍門南至于華陰東至于砥柱又東至于孟津東過洛汭至于大伾即成臯是也或云黎陽山禹以大河流泛中國為害最甚乃於頓丘郡界疏二渠以分水勢一渠自陽武縣東引入漯水東北流至于乘縣入海即今黃河是也一渠疏畎引竝西山以山東地形高敞穰東水勢不使流溢夾石碣石入于渤海書所謂北過泲水至于大陸泲水即濁漳也大陸即邢州鉅

鹿澤也播為九河同為逆河入于海河自魏郡貴鄉界
為九道下至滄州合為一河言逆河者謂與海水往復
相承也齊桓公霸塞河廣田居惟一河水存焉今貝冀
東界王莽枯河是也禹又於滎澤下分大河水為陰溝
引注東南以通淮泗至大梁浚儀縣西北復分二渠一渠
東經陽武縣南中年臺下為官渡水一渠始皇疏鑿以
灌魏郡謂之鴻溝茆茆渠自滎陽五出池口來注之其鴻
溝即出河之溝亦曰茆茆渠漢明帝時樂浪人王景謁

者王吳始作浚儀渠故以浚儀為名靈帝建寧四年於
教城西北壘石為門以遏渠口故世謂之石門渠水東
合濟與河渠渾濤東注至教渠水至此又兼入邲即春
秋時晉楚戰於邲是也邲又音汜汜即汴字古人避反
字故改從卞云汴字亦去反從卞同此義也渠水又東
經滎陽北旃然水自縣東流入汜水鄭州滎陽縣西二
十里三皇山上有二廣武城相去百餘步汴水自兩城
間東流而去其濟流自茲而絕唯汴渠首受旃然水謂

之鴻溝晉太和中桓溫北伐前燕將通之不果義熙十三年劉裕西伐姚秦復浚此渠始有湍流奔注兩岸渠潰塞劉公更疏鑿而漕運隋煬帝大業三年詔尚書左丞皇甫誼發河南男女百萬開汴水起滎澤入淮千餘里仍自汴河為通濟渠又發淮南兵夫十餘萬開邳溝自山陽淮陰至揚子江三百餘里水面廣四十步而後行幸焉自是天下利於轉輸昔孝文時賈誼上言漢以江淮為奉地謂魚鹽穀帛多出自東南也至五鳳中耿

壽昌奏云故事歲漕關東穀四百萬斛以給京師亦多自此渠漕運唐初改通濟渠為廣濟渠開元中裴耀卿上言江南租船自長淮西北沂鴻溝轉相輸納於河陰獲嘉太原等倉凡三年運米七百萬石實利涉於此開元末汴州刺史齊澣以江淮漕運經淮水波濤有沉損遂開廣濟渠下流自泗州虹縣至楚州淮陰縣北八十里合於淮踰時畢功既而水流迅急行旅艱險尋乃停廢復由舊河德宗朝歲漕江淮米四十萬石以益關中時

叛將李正己田悅皆分軍守徐州臨渦口梁崇義阻兵
襄鄧南北漕引皆絕於是水陸轉運使杜佑請改漕路
由浚儀西十里疏其南涯流入琵琶溝經蔡河至陳
州合潁水是秦漢故路以官漕久不由此道故填淤不
通若畎流培岸則功用甚寡又廬壽之間有水道而平
岡亘其中曰鷄鳴山佑請疏其兩端皆可通舟其間登
陸四十里而已則江湖黔嶺蜀漢之粟可方舟而下由
白沙東關經廬壽浮潁涉蔡歷琵琶溝入汴河不復經

揚楚沂淮之險徑於舊路二千餘里功寡而利博朝議
將行淮路通乃止今天下甲卒百千萬人戰馬數十萬
匹萃在京師仍以七亡國之士民集於輦下比漢唐京邑
十倍其人矣雖旬服時有水旱不致艱歎者惠民金水
五丈清汴四渠派引脈分咸會天邑舳艫相接給贍公
私所以無匱乏也唯汴橫亘中國首承大河漕引江湖
利盡南海半天下之財賦悉由此路而進昔大禹疏鑿
以分水勢煬帝開畎以奉巡遊雖數堙廢而通流不絕

終為國家之用者其天意乎

天聖初右班殿直劉達言解州安邑縣自後魏正始中
都水校尉元清平坑水西入大河以運鹽號永豐渠周
齊之間其渠遂廢大業中都水監姚暹決堰浚渠自陝
郊西入解縣民賴其利唐末渠復湮沒請濬之上下其
議轉運使王博文以為利遂命開浚渠成公私便之

戶口

建隆元年版籍之數州百一十一縣六百三十八戶九

十六萬七千三百五十三

開寶九年州二百九十七縣一千八十六戶二百五十萬八千九百六十五

至道三年戶四百五十一萬四千二百五十七

大中祥符八年戶八百四十二萬二千四百三口一千八百八十萬一千九百三十夏秋稅錢帛糧斛二千二百七十六萬四千一百三十三絲綿禾草二千二百八十三萬六千六百三十六茶鹽酒稅錢帛金銀二千八

百萬二千

寶元元年戶一千一十一萬四千二百九十

雜錄

平蜀得鑄印官祝溫集自言祖思言為唐禮部鑄印官世習籀篆即漢藝文志所謂屈曲纏繞以模印章者遂命重鑄中書門下樞密院省臺寺監等印

樊若冰初在江南舉進士不第因常漁釣采石江上以漁船載絲繩度江之廣狹上書言江南可伐之狀太祖

用其計下荆湖造大橋聯巨艦江南不守采石王師徑
度遂破池陽初除舒州推官及計既行遂領池州事積
官至給事中太祖常問其名出何典記對曰臣慕唐右
丞倪若冰故名焉上笑曰可改名知古蓋上惡其聲近
弱兵也唐右丞相乃倪若水謂之若冰謬矣

日本國裔然太平興國九年自其國來因得召見言其
國王傳襲六十四世矣文武僚吏亦皆世官太宗歎謂
羣臣曰朕不敢自逸以冀運祚永久更賴忠良輔朕不

逮無俾遠夷獨享斯慶

有宋大臣生享王封者符彥卿王景錢俶歿而追封者
孟昶楚王慕容延釗河南郡王王審琦瑯邪郡王錢俶
秦國王李繼勳隴西郡王劉繼元彭城郡王劉鋹南越
王李煜吳王趙普真定郡王曹彬濟陽郡王錢惟濬邠
王魏仁浦齊王石守信衛王劉美魏王李用和隴右郡
王

以時政記進御自宰相李昉始以起居注進御自起居

郎梁周翰始御史中丞得從遊宴自趙昌言始集賢校理陪宴京師許乘馬入禁門自李宗諤始以執政判禮儀院自丁謂始將帥在外遇大禮賜賚自王德用程琳李昭始

董遵誨世居幽州其母在契丹太祖令人賂邊民使迎其母送於遵誨遣外弟劉綜貢馬以謝上解所服真珠盤龍衣命齋賜之綜曰遵誨人臣豈敢當此上曰吾委以方面不此嫌也

太祖嘗命有司治第將賜郭進令蓋以甌瓦有司言舊制非親王公主之第不用甌瓦上曰郭進控扼西山十餘年使我無北顧憂我視進豈減兒女耶

高敞國太平興國六年入貢其土即後漢戊己校尉之地其俗好騎射戴油帽謂之蘇幕遮

隆平集卷三

欽定四庫全書

隆平集卷四

宋 曾鞏 撰

宰臣

范質字文素魏郡人母憂人授五色筆而質生唐長興中
擢進士第仕晉至翰林學士周祖擢為宰相建隆初封魯
國公乾德二年罷相初和凝知貢舉愛質所試文自以中
第嘗在第十三名故亦以處質其後質官及封國皆與凝

同當時謂之傳衣鉢質平居手不釋卷謂人曰嘗有異人言吾當大任無學術何以處之及司制誥人服其該贍奉行制敕未嘗破律為相不受四方饋獻祿賜親族歿無餘財太祖歎其清慎曰真宰相也太宗亦言近世輔弼循規矩慎名器無與比者特不能死周社稷乃其短爾子旻

魏仁浦字道濟衛郡人少為刀筆吏隸樞密院周祖為樞密使問以中原卒乘數對曰帶甲者六萬及隱帝遣人害周祖仁浦教以易其語云誅將士以激怒衆心遂

長驅渡河即位擢樞密承旨復問郡邑屯兵數仁浦詳對按籍無差世宗即位差樞密副使陞使繼命兼相對曰不由科第進曰顧才何如爾遂用之世宗卞急輕殺戮仁浦營救而免者十常七八從出征鋒鏑之下無橫死者有鄭元昭誣仁浦婦翁李溫玉之子從李守政叛捕以告變欲中傷仁浦周祖力辨其誣獲免及仁浦大用元昭懼卒以元昭繼典五郡又嘗為賈延徽譖幾遇害總師出征有得延徽以獻者仁浦曰因兵戈報私怨不

思為也人稱其長者建隆初不易其任乾德二年罷相卒子咸信尚主追封仁浦王爵

王溥字齊物太原人漢乾祐中登進士第周祖鎮蒲津召置幕府從征李守正王景崇得朝臣交結書周祖欲暴其事溥力請焚之周祖將大漸趣草相制聞宣畢曰吾無憾矣世宗嘗問漢相李崧蠟丸書結北兵有能記其辭者否溥曰使崧有此肯以示人耶逢吉輩搆之爾世宗遂優贈其官建隆初不易舊任乾德二年罷卒諡

文獻後改曰文康父祚仕至上將軍祚致仕溥猶居相位每公侯引觴為壽溥侍側如嬰兒人稱其孝敬祚徇貨殖溥亦獲恠嗇譏孫貽永

貽永字秀長真宗以其故相家選尚太宗第四女鄭國長公主除右衛將軍駙馬都尉明年主薨即納所賜宅累擢節度使歷宣徽使同知樞密院事改副使加同平章事以疾求罷聽免兼侍中至和初復以疾丐解職除右僕射檢校太師兼侍中鄧國公卒年七十一贈太師

中書令謚康靖子道卿貽永為人慎約寡言無綺紈聲
色之好嘗知徐州河決滑臺作堤城南水至不為患王
曾守南京表其事詔褒之鄆州咸平中徙城而故治為
通衢密邇梁山樂春夏多病涉貽永知鄆州相地築東
南道二十餘里至今人獲其濟

樂

原作漏無此字楊希
洛云疑作樂有朴音

薛居正字子平開封人父仁謙五代史有傳居正後唐
清泰中登進士第仕周至刑部侍郎建隆初知朗州有

亡卒數千為盜軍使疑城中釋子為應欲盡殺之居正
以計緩其事生擒賊首乃知釋子千數無預謀者乾德
二年初置叅知政事居正及呂餘慶首當其選開寶六
年拜相太平興國初進位司空薨謚文惠無子以同姓
子惟吉為嗣居正操行方重不事苛察好讀書為文敏
贍有集二十卷詔李昉為之序

沈倫字順直陳畱人名上一字避太宗舊名去之太祖
初除同州節制辟在幕府屬改命皆從焉及即位擢樞

密副使開寶六年拜相太平興國四年罷卒謚恭惠平
蜀日倫為計度制置使諸將以賄敗倫歸篋中惟圖書
數卷在相位自守而已

盧多遜懷州人父億有操行仕至少府監周顯德末登
進士第開寶中累擢叅知政事九年拜相多遜博涉經史
善伺人主意太祖每遣取書多遜伺知即通夕閱視詰
朝問書中事應答無滯上益寵待為翰林學士時屢於
上前毀趙普及在相位普之子及其親屬多為所抑普

再相廉知多遜常遣親吏交通秦王廷美因發其事追削官爵並其家配崖州卒於配所初王佑知制誥多遜欲佑協力擠普一日佑以宇文融排張說事示之怒出佑知華州及多遜敗士大夫服佑有明識

趙普字則平薊州人父迥徙常山又遷洛陽因占籍焉劉詞節制永興辟為從事詞遣奏稱其才授滁州判官太祖以周世宗命破皇甫暉拔滁州聞普決獄多全活者方出鎮馮翊遂表為從事屬改命普在幕府即位授

諫議大夫繼除樞密副使乾德二年代范質相久之罷
太平興國初復相堂帖之行與詔敕無異太宗命勿復
行八年授鄧州節制端拱元年復相淳化元年以疾罷
除河南尹進位太師魏國公薨追封真定王謚忠獻卒
年七十一設鹵簿葬舉唐制也普初無學術太宗勉之
晚年頗該博在相位十年獨任政事閣中設大瓦壺中
外章奏不欲行者擲壺中既而焚之性多忌尅太祖嘗
稱馮瓚欲大用普遂請以知梓州遣私奴從之郡伺其

過失詣闕訟之。瓚配隸沙門島十年。三司使趙玘廉其市木治第事。雷有鄰又訟中書不法。太祖惡之。學士竇儀入對。因訪普所為。儀曰：「不知退而曰我必不大用而不之。朱崖及詢、盧多遜、多遜乘間攻其短。亟進預政事。及普再相。多遜遂有朱崖之命。蜀人侯莫陳利用以方術進。至團練使。所為多不法。普力言之。上為黜。利用普言之不已。利用卒伏誅。聞者欣快。普在相位。士大夫有言人短長者。必命吏追錄之。有事則引以為證。自是人

無敢言中書事益壅蔽又嘗建議以趙保忠鎮夏臺俾圖繼遷反通謀幾為邊患時論罪之端拱復相頗為同列所窺鬱鬱不得志而去雖然普遇事能斷知無不言與夫循嘿者有間矣

李昉字明遠真定人父超仕至集賢學士昉以門蔭補齋郎漢乾佑中登進士第在周為翰林學士建隆初遷中書舍人盧多遜攻趙普短太祖詢昉昉曰臣書詔之外思不出位太祖征太原過常山賜羊酒俾於居第讌

集丞相至藩侯皆賦詩刻石太平興國八年拜相建議
復時政記先進御後付史館端拱初罷淳化二年復相
在位循謹自守臨事多恕為文慕白居易所居有園亭
又葺郊外宴遊之地多蓄妓樂娛樂親友與張洎盧多
遜善薄張昺上嘗問多遜昺頗為辨釋上曰多遜常毀
卿不直一錢昺曰臣不敢誣罷相張洎草詔深攻其短
張昺時時造其第或問昺曰我為廷尉獨李公未嘗
以私事見于今雖退居可見也昺薨贈司空諡文正子

宗諤

宗諤字昌武昉第三子七歲能屬文恥於父任得官獨由鄉舉端拱二年登進士第性謙謹衣敝策蹇人不知其宰相子也獻文召試除集賢校理太宗每有篇詠多賜昉及宗諤宗諤屬和世榮之宗諤宗諤之兄也宗諤官至諫議大夫翰林學士卒年四十九李濬與宗諤同歲同月後一日生其卒亦後一日濬字德潤冀州人父超為禁卒從潘美掌刑刀美嗜殺戮超常緩之怒釋多

全活者人以為有陰德濬官至右司郎中樞密直學士宗
諤博學曉音律尤精於典章沿革朝廷創制損益莫不
與聞景德初契丹請和後一歲生辰使至首命宗諤館
伴自郊勞至餞禮有節適行判太常寺鼓吹工之謬濫
者無所容風流文雅內行純至事繼母以孝稱二兄早
卒奉嫂字孤人無間言友其弟宗諒甚篤賞延所及皆
先諸姪其卒也子猶有未仕者獎借後學薦拔寒素接
人有禮士大夫愛慕之其書字勢傾側後進多擾筆致

之罕有類者為時之所貴如此有文集六十卷内外制集四十卷又有家傳談錄行於世

宋琪字叔寶范陽薊人晉天福中在契丹舉進士登第
幽帥趙延壽惜其自陷北廷辟為從事建隆間為開封
府推官太宗尹京禮遇甚厚即位累擢至叅知政事太
平興國八年與李昉同相因請盧多遜舊第上惡而罷
之薨年八十贈司空諡惠安琪有吏能辯捷好詆諧而

寡學識

呂端字易直其先燕人父琦五代史有傳兄名犯太祖諱下一字字餘慶太祖節制同州餘慶為賓佐及即位累擢叅知政事蜀平知成都府不罷政事以執政涖藩鎮自餘慶始歸朝復舊任既而引疾求罷除尚書左丞卒年五十太祖幕客餘慶居其先趙普李處耘首大用餘慶獨不介意及除執政而處耘被黜同列欲共排之上問處耘第以實對普忤旨而罷仍力為辯釋餘慶重厚有守所至以寬簡治與弟端俱以文官三品蔭補千

牛衛備身端在周直史館建隆初遷太常丞歷官四十年始大用淳化四年叅知政事至道初拜相太宗嘗憾任用之晚端持重識大體同列奏對或多異議一日內出手札戒諭自今中書事經呂端裁決乃得聞奏真宗即位尤加體貌見必拱揖以其身體偉大為納陞俾登殿所咸平初以疾罷薨年六十六贈司空謚正惠子苟藩蔚藹李惟清自樞密改中丞意端抑已屢遣人訟堂吏過又彈端久在病告端曰吾直道而行無所媿也端

姿表瓌秀器識和裕屢遭擯棄未始經意嘗使高麗暴
風折檣舟人恐怖端讀書自若兩使絕域後有往者必
問端為宰相未其為遠近所慕如此

李沆字太初洺州肥鄉人父炳仕至侍御史沆好學沉
厚寡言有精識炳嘗謂人曰此兒異日必致公輔太平
興國五年登進士第至王化基上書自薦太宗曰李沆
宋湜皆佳士也命相府同召試並除知制誥沆官最下
特升於上累擢給事中叅知政事淳化四年罷真宗升

儲以為太子賓客詔儲君待以師傅禮及即位復叅知政事明年拜相北兵入寇車駕幸鄴沆留守東京不戮一人輦下肅然景德元年薨年五十八贈太尉中書令謚文靖沆博學內行修謹居位慎重門無私謁終日危坐望之儼然上每議政語天下安治沆常以四方水旱螟蝗為言上深慰納既薨上對侍臣曰沆忠亮淳厚終始如一言畢泣涕久之王旦常自謂器節不能逮沆世謂二人皆賢相也弟贇源淮子簡

畢士安字舜舉代州人徙居鄭州乾德四年登進士第
累遷至知制誥翰林學士真宗尹京士安為開封府判
官即位命擢知府復入翰林為學士又為侍讀學士景
德初叅知政事踰月拜相二年薨於位年六十八贈太
傅中書令謚文簡士安端重有識度善談論所至以公
正稱年高目昏讀書不輟有文集三十卷藏於家

呂蒙正字聖功河南人太平興國三年登進士甲科歷
官一紀遂至相位嘗任知制誥翰林學士叅知政事端

拱初相淳化二年罷四年復相六年罷相國朝以來三
居相位唯趙普及蒙正蒙正沈厚寡言有器局以正道
自持張紳知蔡州以贓敗有為紳營解於上曰紳家富
不至此特蒙正貧時有求不獲今報之耳上即復紳官
蒙正不辯後考課院得其實黜之太宗復謂曰張紳果
有贓蒙正亦不答判江寧府數遣中貴人將命待之如
在相位時不少減近制宰相子起家即授水部員外郎
加朝散階蒙正固辭止授九品京官自是以為例罷相

歸西洛養疾有園亭時會親舊環侍皆子孫間舉壽觴
釋然自得真宗謁陵寢祠后土過洛汭兩幸其第當世
榮之父龜圖仕至起居郎初龜圖黜妻劉並棄蒙正劉
誓不改適及蒙正蒞官迎二親同堂異室奉養並至時
稱其孝累改封以許國公堯年六十八贈太師中書令
張齊賢曹州人徙居洛陽自言慕唐李大亮為人故字
師亮乾德間應科舉不中選太平興國二年登進士第
累擢至簽書樞密院樞密副使叅知政事淳化二年拜相

咸平初復相屢進位至左右僕射請老以司空致仕飲食素過人執政後丁內艱水漿不入口者七日其後日一飪粥既祥方食脫粟飯三年酒肉果菜不入門世稱其孝平日頗以致君自任言涉疎濶前後治獄全活甚衆未第時依太子少師李肅家及貴歲時祭之种放之用亦其薦也嘗為部使者務存寬大察訴牒多得其情嘗對太宗曰靈夏終為繼遷所擾人謂其過卒如所料在相位事有涉干請辭連李沆而齊賢獨任其責物論

甚美及再相與寇準相傾遂虧名節歸洛得唐裴晉公
午橋莊有池榭松竹之勝日與親舊觴詠其間善教子
孫皆能自立有文集表疏集雜編小說各數十卷

王旦字子明大名人父祐有文行國史有傳旦沈厚好
學佑知其必致公輔手植三槐於庭以為識旦太平興
國五年登進士第淳化初獻文除直史館明年知制誥
佑久典書命旦不十年繼之咸平初入翰林為學士三
年樞密副使四年叅知政事景德三年拜相在樞府一

年叅知政事八年任首相十二年以疾懇求退不已意不可奪除太尉仍詔禮官具上事儀未上而薨年六十一贈太師尚書令謚文正初旦與錢若水同在西掖若水善人倫常曰王君凌霄聳壑棟梁才也非吾所能及李沆以同年生亦相厚善謂為遠大之器旦端重介直明達治體接物雖和易而風格峻整當官臨事獨不可犯為相屬罷兵之後務在鎮靜善於獻納言簡順理慎惜名器敘進才品不以私怨廢公義薦用人有終身不知

者不許子弟應舉以妨寒俊亦不薦補諸子居第湫隘服器質素與弟旭友愛甚至敦獎名教畱意文雅近世典章族氏尤極該洽真宗初置天書刻玉使以旦傾之國朝以來居相位天下無間言者唯旦及李沆云

向敏中字常之開封人父瑀唯一子教督甚嚴常謂其妻曰大吾門者此子也太平興國五年登進士第久之太宗飛白書敏中張詠二名付中書語宰相曰此二人名臣也朕將用之淳化四年自廣南轉運使召還除工

部郎中擢樞密直學士與張詠並命是年同知樞密院
事自員外郎至是凡百日耳會曹彬除樞密使改副使
咸平初改叅知政事二年兼樞密使出安撫河北以禁
兵萬人翼從四年拜相五年坐市薛居正第罷大中祥
符五年復相天禧三年薨年七十二贈太尉中書令謚
文簡初太宗欲大用之當路者有言敏中在法寺時皇
甫侃監無為榷務以賄敗嘗求敏中從未減下御史臺
捕侃僕詰之僕云有書敏中不啟封還之書今瘞臨江軍

傳舍遣索果得書緘題如故上驚異遂登用焉罷相出知永興軍適駕幸澶州密詔俾便宜從事詔不泄邊境以安故有復用之意敏中沉毅寡私交獨為人主所知多智善保身識大體相位門無私謁諸子不使當事任雖處大事若已不與避遠權勢慎於薦拔大任幾三十年衰老猶不得謝時論目為重德

寇準字平仲華州下邽人太平興國中登進士第器識文學時鮮其比初補歸州巴東令五年不得代既又宰

大名府成安賦役期會書鄉里姓名揭之縣門民無違者巴東有秋風亭準析韋應物一言為二句云野水無人渡孤舟盡日橫識者知其必大用後因言事太宗淡器之淳化二年擢樞密副使四年罷知青州太宗對左右數語及準有間言至終不能移上意五年召叅知政事因奏對切直上怒起輒挽衣畱以俟處決太宗嘆曰真宰相才也上欲建儲密詢於準對曰謀及婦人中官近臣皆不可也惟擇所以副天下望者上屏左右問曰

襄王可乎對曰非臣所知也及真宗為太子人望翕然
上曰天下心屬太子將置我何地準曰願得所付天下之
福也至道二年罷政知鄧州咸平六年除三司使景德
元年與畢士安同相契丹入寇上召羣臣問禦戎策畢
士安請選將王欽若勸幸金陵陳堯叟以幸蜀為請準
曰非親征不可上從準議兵威大振車駕及衛南而捷
書來上三年罷相大中祥符七年除同平章事充樞密
使八年罷天禧三年復相四年真宗不豫皇太后叅議

政準請間曰丁謂佞人也不可輔少主願擇方正大臣羽翼太子上然之準因命楊億草太子監國制且進億以代謂甚密詰朝準被酒自漏言謂乘婦人車詣曹利用第謀逐準遂發周懷政朱能天書事遷準以太子太傅歸班請對不許降太常卿知相州徙安州貶道州司馬仁宗即位再貶雷州司戶踰年徙衡州司馬命未至卒年六十三詔許歸葬西京過公安縣民擁道設祭立竹焚幣焚餘竹無根株踰月皆自生邑民嗟賞即生竹

地立祠歲時祭之謂其竹曰寇公竹歲久成林人不忍
伐仁宗對輔臣哀準以忠貶死贈中書令萊國公謚危
身奉上曰忠佐國遭憂曰愍詔賜準謚忠愍錢惟演素
忌準又諂附丁謂作樞密直學士題名記輒不列準後
蔡齊言於上即命刊去上又哀準無子以從子隨為後
乃擢其壻屯田員外郎張子臯直秘閣俾齋詔河南就
賜其家祭耐之初準至雷州吏以圖經獻視其四至云東
南門至海岸十里準悟曰吾少時有詩云到海祇十里過

山應萬重豈偶然耶南行之初過零陵行橐為溪寇所掠其酋聞而趣還之世言忠義足動獷俗況氣同者乎準剛正篤於自信不能與世俯仰故人多惡之至道郊恩以左正言馮拯為虞部員外郎拯訴於朝罷政事者七年未始少抑雖王旦亦以為好人懷惠又欲人畏威皆大臣所宜避準自以為已任此其短也惡之者或云在相位與張齊賢相傾或云朱能為天書降乾祐縣準知而不言審如是丁謂之拂鬚固足以悅詎致其媒孽

耶及謂道出雷州欲見而不可得其不能與世俯仰如此而蔽以險詖庸回不其過歟準知將逝遣人取太宗所賜通天犀帶於洛中半年始致沐浴具朝服束帶北面再拜俄登榻而終非達於死生之數能如是哉

王欽若字定國臨江軍新喻人少孤祖郁嘗曰吾厯官五十餘年慎用刑活人多矣後必有興者其吾孫乎淳化三年登進士甲科累遷知制誥翰林學士咸平四年叅知政事景德初契丹入寇欽若請行以叅知政事判

天雄軍上親燕以遣之還朝累求罷政事制特置資政
殿學士寵之既久又加大學士之名景德三年知樞密
院事大中祥符五年除樞密使同平章事七年兼同天
書刻玉使是年罷八年復樞密使平章事天禧元年拜
相三年商州捕得道士譙之易畜禁書能使六丁六甲
神而欽若贈之詩故罷知杭州踰年復資政大學士資
善堂侍讀進司空既而除節制檢校太師同平章事判
河南府以疾不俟報赴闕降司農卿分司南京仁宗即

位復秘書監改太常卿刑部尚書天聖元年復相進司
徒三年薨於位贈太師中書令謚文穆錄親屬及門下
吏二十餘人前此宰相優卹未有其比欽若少時過圃
田夜視天文有紫微字赤色及使蜀褒城道中有通刺
字未暇視而與之見告欽若曰異日位至宰相既去視
刺字乃唐裴晉公也自是遂喜神異事且撰文以記之
真宗即位欽若判三司理欠憑由司奏蠲乾德至咸平
逋負千餘萬釋繫囚三千餘人以廣惠澤叅知政事日

有訟欽若及洪湛貢舉受賂命邢昺鞠之時上顧欽若
方隆故湛獨流儋州人以為寬大中祥符間與馬知節
同在樞府知節惡其為人不能相下故兩罷之封泰山
祀汾陰天下言符瑞欽若皆與焉朝廷有所興作必委
曲遷就以合上意與丁謂陳彭年林特及內臣劉承規
交通縱跡詭異時論謂之五鬼真宗作喜雪詩誤用旁
韻王旦白欽若曰天子詩可校以禮部格耶他日上謂
輔臣曰王欽若幾為衆所咤與楊億等同謨冊府元龜

有褒詔則自為表謝譴問則戒吏云第言楊億等故馬
知節面斥其姦罔其後仁宗亦謂王曾曰欽若所為真
姦邪也五子皆天以從姪寅亮為後欽若平日所撰有
天書再降泰山祥瑞圖鹵簿記彤管懿範天書儀制翊
聖傳聖祖事跡羅天大醮儀五嶽廣闡記遷叙圖列宿
萬靈朝真圖共數百卷

丁謂字公言初字謂之蘇州人嘗袖文謁王禹偁禹偁
愛其文即為詩贈孫何及謂比之韓柳名遂大振淳化

三年登進士第累擢知制誥諫議大夫兩為三司使大中祥符五年叅知政事九年除節制知昇州天禧間復叅知政事改樞密使四年與李迪同相迪對上斥謂姦邪同罷而謂詔留加司空封晉國公仁宗即位進司徒兼侍中坐雷允恭移山陵皇堂事罷少保分司再貶崖州司戶叅軍凡五年又徙光州又三年徙道州明道末復祕書監致仕居安州又徙光州卒年七十二詔賜錢十萬絹百疋謂淳化間為福建轉運使初置龍焙歲貢團


茶數品供御咸平初峽路蠻擾邊會分川峽為四路謂
領夔州轉運使措置蠻事作誓刻石柱境上其後又入
寇止委其酋領討平之居五年詔許自舉代乃舉薛顏
景德初契丹入寇謂知鄆州北騎稍南民大驚趨楊劉
渡舟人邀利不時濟謂斬死罪囚於河上舟人懼不復
稽阻又令廣旗幟擊刁斗聲振百餘里敵亟走遁大中
祥符初議封禪未決謂因言大計有餘議遂定謂機敏
有智謀儉巧險詖亦鮮其儔文字經目雖千百言無遺

忘至三司案牘有差雖老吏不能曉者決於一言皆中其理朝廷營造莫不兼領凡奏祥瑞事皆謂及王欽若與馬少遊江南遇呂洞賓語之曰君狀貌同李德裕言訖不見其後果驗弟誦說諫子珙玘玘珙

馮拯字道濟河陽人太平興國二年登進士第咸平中擢樞密直學士明年同知樞密院事景德初改簽書明年叅知政事久之以疾丐罷大中祥符四年知河南府七年除御史中丞又以疾除戶部尚書知陳州真宗問

王旦曰拯屢求閒郡何也對曰馬知節常薄拯志在節旄不敢請大藩也天禧四年拜相五年進右僕射仁宗即位遷司空兼侍中天聖初罷相授節制檢校太尉兼侍中判河南府卒年六十六贈太師中書令謚文懿子用已恕已端已誨已稱已勤已行已虛已潔已初拯通判廣州在太常博士彭惟節之上及郊祀覃恩以正言遷虞部惟節遷屯田皆員外郎而自謂與叅知政事寇準有隙上封言其事上為罷準乾興初與丁謂在相位

謂獲坐祈拯營免時太后欲殺謂拯言上初即位誅大
臣駭天下耳目謂得釋死拯嚴重中人傳宣中書未嘗
與坐林特常詣第累日不得通既而令至中書卒亦不
見



隆平集卷四